

小方壺齋

小方壺齋

薄海番域錄

●邵大緯著

明洪武七年呂宋同瓊里諸國貢方物萬歷四年助討通賊有功尋入貢取道福建先是華人販呂宋既夥留居澗內名壓冬積至數萬人萬歷三十年有妄男子張巖稱呂宋機易山生金豆時礦務方毀詔遣漳州郡丞王時和偕張巖往勸是時呂宋已爲西班牙所據舊作佛耶西守土者乃西酋時和至西陳兵問山各有主何得越採且金豆生何樹時和不能答酋自是疑華人以兵圍而坑之死者二萬餘僅餘三百人華船遂絕迹臺官奏劾巖坐誅時和慘死三十三年遣商人諭呂宋無生事西酋亦悔前事復厚遇華人估帆稍稍復集其後留者復成聚云

蘇祿分東西峒有三王明永樂十五年東王巴都葛巴以答刺西王麻哈刺吒葛刺麻丁峒王巴都葛巴刺卜並率其屬三百餘人來貢方物各給印誥封爲王東王歸次德州卒命葬以王禮令其子都麻舍還國留次妃葛本甯次子安都祿等守墓歲支米七十五石萬歷中裁其五世孫安守孫奏復之○國朝雍正間遣使至閩貢方物求內附以其險遠未之許也

婆羅一名文萊負山面海俗素食念佛禁食豬肉犯者論死有東西二王永樂四年各遣使來朝相傳國王閩人隨鄭和往因留鎮焉王府旁有漢字碑番人嫁娶請王金印印背印篆文獸形云是永樂間賜王髡髮裏金綉巾腰插雙劍步行親族稱班奇蘭嚴重亞於王國有水石二城因長腰與築岸禦潮拆石城以爲塘止存木城云

吉里地悶滿山皆旃檀至伐爲薪田肥宜穀氣候苦熱午必俛首向水坐差可避瘴男女斷髮短衫俗以立爲尊不知年歲無文字以石片託事滿千石則總於繩爲一結訟者兩造各牽羊曲者沒之蓋猶有結繩束矢之風焉

彭亨一名彭坑土沃候溫宜稼饒蔬果俗尚佛殺人血祭明洪武中貢方物

丁機宜地近柔佛屢爲所侵始通廻好幅員最狹酋眾僅千餘以木爲城王居列鐘鼓樓與華人舟中互市歲首十月蓋奉瓜哇爲正朔云

歐羅巴各國總敘

葡國瑪吉士著

歐羅巴洲各國建立始末以額力西國爲最而額力西國之前又係上古亞西黎亞與厄日度二國開創風氣當中國唐虞之世亞西黎亞國政教昌隆自夏后不降十三歲嗣君尼亞斯不動政事國勢漸衰自後八百餘載朝政日非古史無所記載惟厄日度國代有明君然古史但載兵革始末而賢君善政均未之述自商王祖辛十二年亞美奴非斯溺江海後西索斯的里嗣位武備文事極一時之盛是時厄日度國人約二千七百萬餘口傳世七百十一載每遭人民遷徙他方開創教化故亞德納斯國漸爲聲名文物之邦實賴厄日度國人前往其地變化之也是時額力西國王聞而向風遣其能臣游說各國因得十二國會盟彼此相衛歲遣使臣再會於德爾摩比勒之地議行善政復思延國祚必須立教遂將德爾佛西堂諸善士布施之資財盡付十二國會議之人管理緩急相關併力禦侮是以伯爾西亞回國兵來侵無不敗北偃武修文二百餘載航海四出并至葛爾給斯等處創建新國焉殷王廩辛六祀亞德納斯國王名德修者武勇絕倫自思十二部落事權不一遂欲合而一之先得庶民之心次散其附和首領之眾又裁汰國內各衙署惟建會議公堂一所設禮制輕稅欵招徠遠人彈丸之地竟成通都大邑較額力西各處更盛國中大權盡歸一人盡革前此各部強霸衡行之習其國人分三等一則尊爵紳士二則百工匠役三則農夫庶民因一等之人權重故自德修王至哥德落斯亞兩世特加惠於二三等之人以分爵士之勢久之民志日驕畸重之勢權遂歸下當周康王時哥德落斯王薨其民以此後必無如先君之賢者遂揚言惟王必德爾爲君方可推戴王必德爾者乃其國供奉宗神之首示不欲更立國王也遂立會議官以執政事從此額力西各國效尤紛紛逐君革爵設官擅政風俗政治爲大變易惟亞德納斯國入初雖除國王之名尙立哥德洛斯王後裔爲統領之官曰阿爾干勢權與國君相等越三百三十一載當

中國周平王時國人復議阿爾干官永執國政與君何異嗣後州官二年一易越五十五年又議每歲分立九官於任滿卸退之時必述職於民以定臧否人皆視為畏途自後亞德納斯國人各自專擅無復法度國中諸才智士復議創造法律以約束其下推達拉固主其議其人性過嚴酷纂修法制罪無大小盡定斬決時人謂之血書越數十載有梭倫者當周靈王時間修改律例歸於平允遂按一國資財之多寡分尊卑貴賤四等其四等貧賤之人雖不得居官至有通國會議公務亦可參預又恐人多語雜因建議事廳大理寺二署其議事廳定額四百人為庶民會議之所其大理寺乃官府會議之所其官必名望才德由眾推舉此梭倫所定政治章程各國多效之者又有斯爾巴達國原名拉塞摩尼亞其始亦如額力西分列小國而統於一君歷代相傳四百餘載當周成王時有兄弟二人者同登君位嗣後相傳皆係二君同治至九百年之久此事最為奇異迨秦始皇時葛黎厄美尼斯王踐位始復改為一君其國政嚴禁奢侈不用銀錢不豐飲食皆練習武事故富強善戰國中世守其教視亞德納斯國梭倫所立法度更為悠久當其時伯爾西亞回國達黎約王興兼併之意又聽阿德納斯國人懇請報復步騎十一萬大舉來攻然伯爾西亞承平日久士卒或習奢過度或從役王事不能如昔年之勁旅於是亞德納斯國中良將蘭精銳萬人迎敵大破敵軍逾二十載伯爾西亞國嗣王名捨爾時者志圖報復率馬步舟三軍數十萬眾傾國大舉復攻額力西之亞德納斯等國各國齊心盟約背城力戰破之水陸全勝然自後額力西各國恃勝而驕所獲敵財彼此侵奪於是亞德納斯與斯巴爾達二國首先背盟號召各小國自相侵伐干戈不休日至衰微越九十三載當周顯王時遂為馬斯多尼亞國王襲破盡有額力西全國開闢疆土更廣於額力西其子阿勒山德里王嗣為盟主當周顯王時復率步軍三萬馬軍五千攻服伯爾西亞國達至大竺諸處無不歸附屢戰屢勝兼有歐羅巴州亞細亞州之半迨殂後其將帥等互相割據事蹟紛繁建為東

都號君士但丁城後爲土爾其希臘國所有焉東漢時始爲意大利國所併額力西國自昔盛時當周景王顯王時二百餘載文名顯著之士不可勝記百工技藝皆至精巧王必德爾與的亞納二廟堂充天下第一壯觀雖東方各國尙不及詩書文字繪畫工塑無不奧妙而軍務尤所講習力行天下至於海表洵歐羅巴州開創之首國在意大利之前者也

歐羅巴洲古時國最盛者自額力西外嗣惟羅馬國一統最久其創建在成周中葉其混一在西漢之中分突在東晉之末其宗社全墟在胡景之世祚歷一千餘年自古無其強大悠久然自昔至今一興一衰爲歐羅巴二次大變亦歐羅巴之大關係也當周平王時環意大利亞皆強勇之國而國王羅母洛者與鄰國戰勝時卽收其精銳歸入營伍并擇其號令軍器之勝己者而效從之每戰勝一次勢力愈增連年練戰上下皆善用兵紀律嚴肅且勤治國政設立議事廳選才智百人會議法度無不盡善其後四代賢君國益富強迨七世之君達爾癸伯者殘忍無道敗亂倫常通國怒而逐之嗣後遂不立君惟推主一人以領兵別推官長二員代理國務一年一易此羅馬國之大變局也自後政事修明國益富強越數百年之久還意大利亞諸部盡歸版圖惟隔海之加爾達額國實爲勁敵其國在亞非里加州海濱以舟楫爲貿易事海濱兩岸皆歸其掌握延及歐羅巴之西班牙地方遂雄據各島而羅馬國人亦畏其水軍強盛不敢阻遏其後二國常相抗敵雖加爾達額風俗甚野不如羅馬國之怯度其兵多招募異鄉烏合亦不如羅馬國土兵之紀律然羅馬止長陸戰而加爾達額國則舟艦嫻習迨交戰二十餘年羅馬國亦學習水戰取加爾達額國遭風漂入之船以爲程式造成舟師一隊選水師將官駕駛水戰而獲大捷兩國仇忌日深加爾達額國人有阿尼巴者世爲名將父子祭神誓滅羅馬講習韜略幼立戰功年三十五歲卽拜大帥引軍渡厄伯洛河逾峻嶺抵意大利亞國進攻羅馬都城連敗羅馬之兵收服各部奈羅馬國有

三傑士竭力戰守一日發比約馬西摩則堅壘不戰惟游兵清野佯敗引誘以老其師暫爲羈縻於前而亟整預備於後一日馬爾塞羅則率兵圍困諾拉收復餘城以分敵軍之勢斯二人者羅馬通國所倚重至於西北揚則尤爲超卓不在本國拒敵而反提軍遠出窺加爾達額國兵大半外出乘虛深入隨攻隨拔勢如破竹直抵其都國人望風敗潰阿尼巴聞警旋師自救被羅馬奇邀其歸路舟師迎擊海中全軍盡覆阿羅巴乘漁舟逃歸不得已納款送質並立盟約非奉羅馬國之命永不得擅與別國交兵時漢高祖六年也斯時諸國分而爲二一則爲羅馬與加爾達額二國之戰場一則額力國土酋分據之屬地互相爭鬪額力西分爲三國一名厄多里亞一名亞加壓一名白阿西亞會議立官而額力西國王仍爲其地之長其君暴虐失民心而厄多里亞國人更恨之乃迎請羅馬國之兵至本國協逐暴君出國羅馬遂脅額力西各處爲藩屬厄多里亞各國自悔失計復乞師於西里亞國以驅除羅馬而加爾達額國敗將阿尼巴亦往西里亞國求援皆因西里亞新兼并猶太波斯爲東方強大之國故希臘諸部欲倚之以拒羅馬時西里亞心畏羅馬之強而阿尼巴力言羅馬師疲易敗於是出偏師前往額力西以助厄多里亞國羅馬軍迎擊敗之乘勝追北國其都城西里亞國亦歸臣服於是希臘諸國皆獻土阿尼巴自殺時漢孝惠帝五年也漢景帝十年羅馬大舉伐加爾達額圍其都城陷之因毀其城略定其部屬復征服西班牙置爲部屬於是地中海南岸僅餘二強國未服一日賓多一日玉占爾達時賓多國恃有高哥斯山爲屏障兵亦強悍故與羅馬兵相持二十年之久始爲奇岳所破而玉占爾達國尤險遂於漢元封五年始征服焉由是地中海南亞非里加洲各國盡入版圖猶太麥西國亦俯首歸附其地中河北歐羅巴境亞馬尼佛蘭西無不臣服又渡海征英吉利番建爲大部西都數萬里無復抗顏行者然羅馬國人民自裁隔王位以後其議事官原議一年一易後因軍事難更生手漸有久於其位者議事官之後嗣世沐榮寵

偏庇姑息其庶民雖有例許爲顯職得遇選舉然其所選仍皆議事官之後嗣民間才傑皆不得進以此上下人心不睦且征伐諸國之後偏染繁華驕奢日甚富貴子孫恃勢凌諸將各人擁強兵悍不馴服故外患既平內釁漸起幸邊圉皆有重兵壓鎮互相鉗制故國中變亂未作若非東都西拉之兵則羅馬國早爲大將馬黎約軍卒所擅據矣先是西拉之兵與馬黎約之兵積釁交訐其黠民乘機倡亂殺高爵子孫民與紳鬪兵與兵鬪既而兵民紳分黨相攻同時並起至相屠戮數萬時二天將出征東北夷族者一日潘浦一曰塞薩爾聞變旋師共平內難盡戮反側十餘萬人國事乃定於是大權盡歸兩帥潘浦曾定麥西猶太各國立功東北塞薩爾曾收服佛蘭西英吉利立功西北二人威名相等積不相下而塞薩爾兼有文學尤得民心潘浦遂起東都兵攻之爲塞薩爾敗諸希臘之地潘浦走死由是塞薩爾總大政立法制羅馬大治有議事官忌之使刺客殺之於是塞薩爾之兄子額達唯約起兵復仇奪回其國遂卽其位是爲羅馬復立國王之始時建始二年也是時歐羅利亞二州及亞細亞西境周回數萬里盡入版圖惟羅馬國獨立行政於天下四國之使雲集於羅馬皆納款獻賦焉義地約比國使人求和巴爾的亞國昔與羅馬深仇亦使人盟結和好天竺國命使前赴會盟其餘各國畏威懷義無不奉命水陸無警兵革休息於是額達維約王親閉仍訥廟門仍訥者乃其國之神也凡有戰鬥之事其廟門則啟若干戈甯靜則閉其廟門以示偃武修文從此四海昇平人物熙和爲西土極隆平之世越三載當漢孝哀帝建平二年耶穌乃降誕於如德亞國羅馬國之創始如此至其文學技藝古時亦未開闢惟以兵農是習迨勝額力西後盡獲其珍奇嗣服阿細亞各國復得其積貯各國文藝精華盡入於羅馬外敵既誅爰修文學常取高才置諸高位文章詩賦著作撰述不乏出類拔萃之人但除開國數君之外餘多驕暴敗常視國人如奴僕且國君旣以酷虐待民而已身又爲驕兵所制旣使天下聞名悚懼而其君反自畏三軍此則羅馬

馬國之大勢也初羅馬征服各國之後其邊外夷狄向未收服後嗣遂欲窮兵絕域深入沙漠窮追至北海挾庭掃穴伏屍百萬始能征服然開地既廣鞭長莫及國中既皆放辟邪侈之習加以北地降王處之內地生聚漸盛報復不忘各旋其本部告以羅馬人物之富麗田土之膏腴復述親友死亡之慘以聳土夷憤怒之心遂傾國奮矛枕戈並攜妻子奴僕六畜器皿蜂擁而至所過掃蕩遇室即焚逢人即殺肝腦塗地及晉惠帝時嗣王以禦狄殲於陣不得已乃與之和自羅馬西都遷於君士但丁即舊王丹東都避其鋒鋒將西都守河之兵調赴東方護衛自撤邊籬以至故都守備單弱東晉孝武帝二十二年分國爲二王以治東西二都其後西都屢爲我特族所侵宋元徽三年義特圖羅馬西都王出降由是西都遂爲羅馬所據惟東都仍稱羅馬國焉夷酋科多亞塞者遂據西都卽位稱汗宮室焚毀府庫傾蕩閭閻數百載傾覆盡矣唐初回教之摩哈默興於天方兼併波斯其勢欲強羅馬入回教不從由是波斯回兵數侵羅馬東境猶太麥西諸部皆陷峽東地全歸回教僅餘希臘片土元末峽東盡歸土爾其數渡海峽侵羅馬吞其旁邑殆盡明景泰二年攻陷君士但丁都城羅馬遂亡羅馬軍旅最有紀律至今猶傳留爲法止因後不守先王之道勤修政治事以關疆疆武爲事盛滿必傾外患驟至辱國損威千百年繁華富麗皆成化外良可歎息焉

自羅馬西都陷於夷狄之後迨當唐中宗嗣聖年間英吉利南邊膏腴之地歸於薩索尼亞夷國奧盧地歸於法郎古夷國西班牙歸於厄都夷國意大利亞及各鄰近之地歸於龍巴爾多夷國於是羅馬國之政治法度技藝文學等掃蕩僅存踪跡政事律例風俗衣冠言語人名國號盡變夷俗自後數百年歐羅巴風俗鄙陋卽顯宦縉紳亦不能讀書識字且因導引諸夷內攻之酋領等以所得之地與其大夫將軍按職分授而大夫將軍等亦所在效尤與其麾下分授地方迫奪民田迫使佃耕又各部互相攻擊動輒

挾制君上無復紀綱於是各國君籌議務結民心以強己勢而分部酋之權庶民始立會議公廨選舉官員經理約束國政漸變音之荒蒙惰慢者皆講習以開其智勤奮以勵其身且夷狄攻破西都時獨東都未遭傾覆國中文學事業仍存一二迨數百年後其地又爲大市埠而天竺國之奇珍貨實巧妙工作多往聚售意大利亞國始再與各國來往復習文學之事後又與歐羅巴各奉耶穌教之君會盟其逐回回出如德亞國都時各國三軍或赴如德亞或歸本國無不會集於東都而列西國之生意實賴此創始時宋哲宗紹聖三年也迨各國干戈休戰之後有意大利亞國人曰日威亞者當元成帝年間始造羅盤以便舟行從此意大利亞各國人始赴東方厄日度諸埠收買天竺土產奇巧各物歸歐羅巴益獲利益時元大德年間至明建文帝年間也至耶穌一千四百年間歐羅巴北方之人無不奮營貿易是時隣近洲中海之約馬爾加瑞典等國海盜猖狂及與意大利亞通商結盟保護而他方效之於是亞里曼及佛蘭地二國之八十城亦約盟互衛隣近別部亦皆求和好始公立貿易章程各埠財物積貯於佛蘭地國之布盧日城及其隣近各城皆爲歐羅巴至富庶之福土再奉耶穌教各君往救如德亞之後因與舊蒙古達爾哥斯丹各王結約以拒土耳其回國其奉使赴蒙古者皆耶穌教中僧人素好雲游四海遠方絕域無不歷遍其首赴蒙古記錄沿途古蹟者乃若翰加爾賓也宋理宗淳祐六年復有數僧資教主公牘投蒙古國王懇其關照保護嗣後往蒙古印度等處者益多迨明太祖洪武年間蒙古國王達美爾蘭者人甚英武印度遠域無不攻克彼時歐羅巴人已於蒙古部落充當兵卒後攜其火藥礮位運用之法旋歸本國較阿里曼國人所造更精至是始講求益善焉蒙古國王達美爾蘭薨後歐羅巴之奉教諸僧皆旋本國遂以印度等東方之富麗豐饒啟發本國人並言海面水路直達各處先是西洋舟船不過游奕亞非里加近處海邊後漸向南駕駛於是孝宗弘治十年駛越好望海角始爲赴東海及印度海之水

路彼時西洋人有日訥瓦國人名哥隆波者擬由東方而赴西方國人皆謂孟浪之談復稟佛蘭西英吉利布路亞三國王亦皆不見用最後得大呂宋國王賞發銀幣備三大船於明孝宗弘治五年開行西往越三十三日探得前途始有洲島及臨近其地並非印度所遇人民言形殊異卽今之亞美里加洲地也再羅馬國廢敗之後歐羅巴餘邦皆遭大幽暗世衰道微國人鹵莽文學攸斁迄明永樂以後復如田禾旱稿得雨還甦漸再知教化況新尋得各洲淳然復興創造印撰書籍百工技藝交接貿易故請史推今世爲極盛

火藥外國未用時中國已有之羅鍼亦由中國海船行至西洋磁器則近日西洋各國亦設窯仿造而普魯特之墨林部落尤多終不及中國之泥細而精潔惟種牛痘一法係由西洋傳至粵也

中國之畫惟重寫意虛多實少不如西洋之工細而洋畫人物又是一片黑影不獨中國人嫌之即西史載英國前代女王伊來西麻於寫容時亦不許寫此黑影

外洋有歌舞而無演戲有火燎而無燈籠蘭墩國都街市皆以煤火通於牆筒互相貫通光明如晝絕無紗燈紙燈前此貢使律馬加尼至北京回經運河各鎮市燈光燦若繁星歸國夸述以爲大觀

中國藥材多是草木外國藥材草木僅居十之一二西洋醫不診脈而中國及回回醫皆信脈理有二十四樣脈診之即知其病何證又西洋不擇日而中國欽天監凡舉事必擇吉日西洋必無此說

前此西洋耶密等在京作欽天監曾帶西醫與各官府往來借行克力斯頓教是以教師必先曉醫道方能爲人所說

粵省火燭一起將夷館及各街道燒成白地與道光二年蘭頓國都之火燭無異

西洋人皆短衣窄袖惟白頭回人長衣寬帽時常薙髮與中國人無異

中國最重文墨多由塞微至貴紐曼譯出中國之書言其政事極好通阿細亞州無此善政即歐羅巴洲之羅問克力斯頓各大國政均不及故稱王化之國惟武勇不如西洋若中國而兼西洋之武勇我等敬中國尤當不同

前時有羅問國之耶密奉使至北京授欽天監著有許多書籍通中國之風俗現在拂蘭西各國多有藏貯使我等得知中國之風俗皆應感耶密也中國音語最難學習近有波羅士特之教師勤力學習是以

馬禮遜米爾尼麻士文三人俱能通中國語言文字

佛教與回回教克力斯頓教亦有分別中國稱爲佛日本稱爲釋迦蒙古稱爲刺麻印度稱爲密他緬甸稱爲偶麻西藏稱爲麻哈母尼暹羅稱爲波納分教其實一也佛生於加治麻國在克力斯頓教一千年之前如謂人死復生爲禽獸鱗介互相輪迴皆各教所無而克力斯頓教中又分出二教曰額力教曰加特力教皆以淨水教化現仙佛鬼魔及地獄皆一例觀之我思佛教之道理未必能勝於加特力教額力教之道理

昔年多麻士至中國傳加特力教時中國從教者仍信奉鬼神以加特力教中不禁人奉鬼神之像也及耶密至中國觀前所行之教皆非正道始刪去許多敬奉鬼神之事

孔夫子書係耶述用拉提納字體譯出甚少精理我等若信其不甚明白之書以爲中國儒教道理止於此恐爲耶述所誤

中國有回回之馬夥墨頓教各處建廟禮拜又有由教其人甚少只散在鄉間單身修煉

中國人以歐羅巴爲夷皆由不通歐羅巴之語言文字是以於麻六甲設書院教師以教化中國之人中國人之聰明靈變除英吉利外他國皆不及

各洋商名浩官茂官啟官教官經官明官海官三官貞官各通事名亞坦亞東亞江亞蘭細亞周亞欽

十三間夷館近在河邊計有七百忽地每忽八尺內住英吉利彌利堅佛蘭西領脈綏林荷蘭巴西即巴社白頭回歐

色特釐阿俄羅斯普魯社大呂宋布路牙等國之人

廣東走私之船曰快艇曰蜈蚣艇以其多槳形似得名排列槍械每於黑夜由小河魚貫而出分赴各岸售私事與

官船相避粵東汶港分歧熟習港歧易於趨避倘遇官船邀截不及走避卽持械拒捕

鴉片船皆下旋於伶仃洋其島高尖獨峙頗有居民山可禦東北風若風暴將起則駛往對面之金星兩
否則被風吹出大洋外矣

西洋種罌粟花曰波畢其上等者在麻哈默那次等者在麻爾洼孟買加爾吉達

即孟阿臘
首部落

皆英吉利所

轄東印度地每箱載兩滿每滿各重六十七棒

十二兩
爲一棒

合中國秤每箱百斤有零其價自一千三百魯卑

至一千五百魯卑不等

五十五先士值一魯
卑二魯卑值一番

銀裝箱後用格拉巴船運至各國售賣除印度外又有回教之

都魯機亦產鴉片每年亦有千餘箱運至中國多是彌利堅船運之凡裝載鴉片之船每船約載三百

每千六百八十斤爲一臺 俟過七洲洋後到伶仃洋即有軍器之船在彼灣泊將鴉片移入有軍器船內至夜有內地

蜈蚣艇來接載運至省城此等船常有二三十隻與官船抗拒其格拉巴船在伶仃洋守候鴉片賣完時

揚帆回去中國始由穿鼻洋跟至老萬山空放響礮回稱夷船盡已驅逐遠國

粵省與外國交易番銀俱是用大呂宋之達刺洋錢故外夷各帶達刺番銀以買中國之貨近則出口之

銀比入口更多以鴉片年增一年煙價多買茶價也

廣東礮臺外砌有圍牆以防敵人上岸攻我礮臺後路而牆皆脆薄只好圈其兵丁不令外走若以禦敵

卽不能夷船禁燒酒同於中國之禁鴉片水手好酒同於中國之嗜煙蓋水手在船盡受炎熱夜臥風露

加以燒酒之力一飲則必醉醉則必發寒熱往往不治禁令雖嚴而水手以酒爲命時時盜買多藏於水

桶船主望見但見是水不知皆酒也

黃埔在水中央周圍皆洋貨船而內地尤帆檣如林以外國船貿易比之外國所納稅餉不過本地百中

之一所以中國不甚希罕外夷在粵之貿易

外夷雇中國人供役曰沙文故華夷有事官府輒先以禁買辦火食及撤退沙文爲首務嘉慶十二年夷

兵頭特魯釐帶兵上澳及嘉慶十九年英兵頭那列士到澳門時道光十九年律勞卑到省城時均即封港停止貿易驅逐沙文打破夷館提拏通事以待事定始開艚發沙文也

中國之數難考即征收地丁人數亦難信完錢糧時只家長一人出名中國以六人爲一戶西洋以五人

爲一戶如廣東省城眾即百萬古時戶口煬帝時共有八百九萬戶一千一百二十二年海壯帝時

宋徽宗宣和四年有一千三百十九萬六

千戶一千五百零二年

明孝宗宏治十四年

有五千三百二十八萬二千戶一千六百四十四年

元世祖至元二十四年

有一千三百十九萬六

二千七百二十四萬一千戶乾隆間會共一萬五千萬人以孟阿拉之戶口方里比較中國中國約二萬

二千八百萬阿彌於乾隆四十二年住燕京依官書計算中國戶口連無錢糧之人共二萬萬人佛達阿

拉士譯出部錢糧戶冊亦有一萬四千八百二十一萬四千餘人與前二數比較尙不甚相遠至近年人

數日增更可想知

中國產米不敷日食故準洋米進口並免米船之稅近年米利堅英吉利由小呂宋葛留巴新奇坡運至

米不下二萬二千八百十六萬

每臺一千六百八十斤

而鴉片貨物寄放伶仃洋則不僅米船也印度之人民極多

不須外米接濟而反運米出口接濟東西洋各埠何以彼有餘而中國反不足且工作則中國更勤苦飲

食則中國更愛惜

印度凡食餘之物他人即不食之

設印度地面而以中國人居之獲利尤信可見中國之蕃衍稠密更

勝於印度矣按秧馬禮遜之數

馬禮遜官名非人名也父子世習漢文其子曰秧馬禮遜秧者小也

中國幅員一百三十萬方里戶口三萬

六千四十四萬三千人其地之遼闊人之蕃盛自古鮮有

中國商欠固多亦有外夷不清粵店之帳即開帆回國者粵店既不能稟官追還而外夷不法亦不能稟

官處治

俄羅斯不准船到粵只準陸路帶茶六萬六千箱計五百萬棒因陸路所歷風霜故其茶味反佳非如海船經過南洋暑熱致茶味亦減然俄羅斯亦托外國船隻帶貨至粵貿易

每年中國與各國貿易并中國出口與外國貿易者約值銀八千萬圓以英吉利米利堅爲最大

自公司散後無人管事洋商有再著大班來粵之請英國遂派領事一人律勞卑於道光十四年至粵管理貿易欲在粵設立審判衙門一所并如英國設主里十二人以助審案七月二十四日律勞卑并未經洋商通報突然闖進省河中國總督大怒遂停貿易禁火食預備火攻於是委船押同律勞卑下澳律勞卑到澳卽氣忿死道光十六年英國義律至澳由廣督奏稱各國貿易惟英吉利設有公司四首商管束曰大班二班三班四班其船定於七八月到廣以貨換貨至次年二月出口維時各大班請牌下澳至七月間請牌上省自公司散後事無專責前督盧曾奏請○敕令夷商寄信回國再遣大班來粵管理貿易今十六年十一月接據夷人義律攜一妻一子至澳約束商人水手惟不管貿易

西洋飲中國之松羅茶熙春茶頗覺有損疑中土人以害人之物轉緣茶爲墨茶何以我等飲此種茶便覺有損安南日本瓜注

即葛留巴

等亦產茶而不多近則印度公司所轄之阿山

在緬甸北雲南之西西藏之南

產茶頗旺

廣東洋貨稅餉甚重夷商屢稟官憲且洋行會館抽分每百兩抽內地賣家三分公貯以備洋行倒塌欠款無着者卽以此代償近因洋行欠項太重公項不敷遂仍各欠各還第公項代賠之例雖致而抽分如故名爲抽內商而內商必增貨價則亦仍出自外夷貿易中矣夷船進黃埔裝載七百臺者計其官費及引水通事一切使費銀將近五千圓故非大船不能堪此重費

康熙初鴉片準作藥材進口每擔納稅銀三兩後又每包加稅銀二兩四分五分至乾隆年間吸食日多廣督奏請奉○○旨嚴禁入口嘉慶間禁益嚴初柳枝後軍流